

乙二、如來究竟果德
丙一、一(大)乘道果

如來境智

如來依因

命說

受說

正說

證說

如來果德

大乘出生會諸善

如來究竟會三乘

總會諸善

別會六處

法說

喻說

結說

總明

別釋

即白佛言：世尊！攝受正法者，是摩訶衍。何以故？摩訶衍者，出生一切聲聞緣覺世間出世間善法。

世尊！如阿耨大池，出八大河，如是摩訶衍，出生一切聲聞緣覺世間出世間善法。

世尊！又如一切種子，皆依於地而得生長，如是一切聲聞緣覺世間出世間善法，依於大乘而得增長。

是故世尊，住於大乘攝受大乘，即是住於二乘攝受二乘一切世間出世間善法。

如世尊說六處，何等為六？謂正法住、正法滅，波羅提木叉、毘尼，出家、受具足。為大乘故，說此六處。

何以故？正法住者為大乘故說，大乘住者即正法住；正法滅者為大乘故說，大乘滅者即正法滅。

波羅提木叉、毘尼，此二法者，義一名異。毘尼者即大乘學，何以故？以依佛出家，而受具足，是故說大乘威儀戒，是毘尼，是出家，是受具足。

是故阿羅漢無別出家受具足，何以故？阿羅漢依如來出家受具足故。